

TARIKH	7 / 10 / 2012	SEKSYEN	Nasional
MUKA SURAT	16	RUANGAN	Setempat

Bantuan anak, menantu

KELANA JAYA: Hajat pasangan warga emas menjejakkan kaki ke Tanah Suci akhirnya terlaksana apabila lima anak serta menantu berpakat merealisasikan impian mereka meskipun terpaksa menunggu beberapa tahun.

Rukomoni Sarjan, 63, dan suaminya Samma Majdhitan, 76, dari Kulai, Johor berkata, sikap prihatin dan kasih sayang berterusan anak dan menantu membuat mereka terharu serta tidak menduga dapat menunaikan Rukun Islam kelima itu.

"Sudah lama kami bercita-cita mahu mengerjakan ibadah ini namun belum berkesempatan kerana kedudukan ekonomi belum mengizinkan. Tak sangka tahun ini kami dapat mengerjakannya.



SAMMA... berdoa



RUKOMONI... terharu

"Syukur kerana kami dikurniakan anak dan menantu yang baik dan segala penat lelah membesarkan mereka dengan hasil pendapatan sebagai peladang sejak lebih 40 tahun tidak sia-sia," kata mereka ketika ditemui di Kompleks Haji Kelana Jaya, di sini, semalam.

Menurut warga emas itu, mereka terharu apabila anak dan menantu menyatakan hasrat menghulurkan bantuan kewangan untuk menunaikan haji tahun ini walaupun masing-masing ada tanggungan sendiri.

"Saban hari kami berdoa semoga Allah makbulkan hasrat hati yang tersimpan sekian lama, iaitu untuk melihat dan beribadat di depan Kaabah.

"Siapa yang tidak mengimpikan beribadah di rumah Allah, jika ada peluang begini saya memang tidak akan mensia-siakannya, tambahan pula ia daripada bantuan anak dan menantu kami," katanya.

Mereka berdoa semoga mengerjakan ibadah dengan sempurna serta dalam keadaan sihat sepanjang di Makkah dan Madinah.